

د. أحمد القندوسى

محمود بكر



فى مصر والمغرب قلوب لا تغرب

ديوان شعر مشترك

طبعة أولى أكتوبر 2018



(بين مصر والمغرب قلوب لا تغرب)

بطاقة الكتاب

عنوان المؤلف :	فى مصر والمغرب قلوب لا تغرب
للشاعر المغربى :	د. أحمد القندوسى
والشاعر المصرى :	محمود بكر
التصنيف :	ديوان شعر مشترك
رقم الإيداع :	2018 - 17102
الترقيم الدولى :	978-977-6656-84-0
عدد الصفحات :	100 صفحة
رقم الإصدار الداخلى :	254 (الطبعة الأولى أكتوبر 2018)
تصميم الغلاف والتنسيق والإخراج :	دار النيل والفرات
جميع حقوق الطبع والنشر محفوظة للشاعر، ولا يحق لأى دار نشر	
طبع ونشر وتوزيع الكتاب إلا بموافقة كتابية وموثقة من الشاعر	

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

alnilwaalfourat@gmail.com alnilwaalfourat

المقر الرئيسى: ج.م.ع. محافظة الشرقية - العاشر من رمضان - مجاورة 13 - أمام سنترال 13 - مقار 304

ج.م.ع. محافظة المنيا - أبو قرقاص - شرق الترعَة - خلف محطة السكة الحديد - هاتف 086214428

ج.م.ع. محافظة القليوبية - مركز طوخ - إيمى - هاتف 0132424735

(الغروه)

د. أحمد القندوسی

کم أحبها

أشعار





شايل همك يا ابني

شايل همك يا ابني

ومش شايل همي

افكر في بكره

وانت اخر حلمي

اشوفك مره

زي ما شفتك في حلمي

وانت يا بنتي

والله ما عندي ست زيك في بيتي

انت التاج وعصمتي

وانت كل فرحتي

كانت لي أميرات

وانت آخر أميرتي



كانت لي صدقيات
وانت أجمل
وأرق صديقاتي
حياتي انتو
وبدونكم ماليش حياه
وحلمي انتو
أشوفكم
زي ما في حلمي
قبل وفاتي

إنتحري يا رياح !

انتحري يا رياح ،
فوق جبال الجراح .
لا تنتظري الصباح ،
فالليل اجمل للصباح .
ولن يراك احد وانت تهوين
فوق قمم الاءقداح .
انتحري وانت شهيدة
فما مات احد بكؤس السنين
قوليتها واسكبي لي كأسا اخيرة
قبل ان ارحل من هنا وانا مدين
لحب تركته من اجل جميلة
عذبت قلبي لسنين



من أجلك طويت كل الصفحات

من أجلك طويت كل الصفحات
من أجلك اختصرت كل المسافات
من أجلك تعلمت ،
اكتب بجميع الابدديات .
لكنك نسيتي
اجمل القبلات
ونسيتي ونسيتي
انني من جعلك ارقى السيدات !
لن اسامحك ، لاعنني لست المسيح
بل سأرد فقط بالإبتسامات
فيا عمرا قد اهديته للجروح !
سأمحي انني أسأت اختيارك ،
ومن سيهواك ؟

حلم

احلمت البارح

حلم جميل

واول مرة تمنيت

نومي يكون طويل

شفت وردة

العين ليها تفرح

كلما شافتها تتفتح

في الصحرا ، والورد قليل



حلمت البارح
حلمت بالنجوم كتشطح "1"
والقمر ليك غنى المواويل
وانا في عينك منبع
لكل بسمة ودوا لكل عليل

"1" كتشطح (ترقص)

رحتو فين؟!!

رحتو فين
يا ناس زمان ؟
حبكم كان ايمان
وكلامكم كان
حلو كمان وكمان
ضحكتكو كانت حنان
ودمعتكم ما كانتش تنزل
الا لما الناس تنام
والشمعة كل ليل تساءل
عن اللمة والجيران



يا ناس زمان !
وينكم يا ناس زمان ؟
وحبكم اللي لسه ذكرى
اجمل ذكرى
لكل انسان

يا القمره

يا القمره "1"

ضوي قلوب الناس

ولا تضوي عينيهم

اسما وانجوم بعيدة عليهم

خليهم يشوفو اللي قريب ليهم

بقلبهم لحنينة يعطفو

على لعزيز عليهم

وليتيم يحبوه

وما يشوف في يديهم

ضوي ارضنا وناسنا وادعي ليهم

يشوفو وراهم واللي سبقوهم

الدنيا يا القمره قصيرة وخذارة

وبطمعها اعمات عينيهم
انت الشاهدة في ليالي
كيف الحيلة
ولمكيدة نساتهم في نعاسهم

"1" القمر (القمر)

الورقة الصفراء

تحمّني الرياح الى السماء
تحمّني وتراقصني بكبرياء
وانا اشتاق الى غصني الذي ودعني،
البارحة في المساء
انا الورقة الصفراء
ارسم لوحة على الأرض
بعدها كنت غطاءً للأنبياء
ترسمني الريشة على اللوحة

وانا من كنت اقبل الشتاء
انا الورقة الصفراء
يزورني الموت هنيهة
ويحييني رب الارض والسما
تقبلي قطرات الندى
وتذكرني بمعنى الوفاء

صورتى

ستلمسين صورتى بيديك اليمنى
والدمع يغطي مقلتيك
وستصرخين مرة ومثى
فلن تجديني بين جدرانك
وستتمنين رقصة مع طيفي
لكنى هذه المرة لن ارد عليك
لاعننى سافرت الى بعيد وفي
عالم لم تطأه بعد رجلك
ستعانقين جسمك بذراعيك
وستشعرين بالبرد يهز كتفيك
لأنك من الحب فارغة
ولان قلبك ذبحته بيديك .

اما انا فكنت فقط رسالة
اخطأت في العنوان
فحطت مثل ورقة التوت فوق شفتيك

أنا آسف!

انا اسف عن قدومي متأخرا
فلم اكن اعرف،
انك في حضنه وقلبك كان متمردا.
انا اسف
لأنني نسيت انك انثى،
والانثى تعشق التمرد اولا وثانية ومجددا !
ولكنك لم تعلمي من اكون ؟
انا من شطب على قواعد الحب وجعلته متجددا،

مع واحدة وثانية وخامسة وعشرون
حتى نسيت اسمهن متعمدا .
فلا عليك واستمري في رقصات الجنون
وانت تغيين برعشة موج متوعدا
انك ستكونين دمة العيون
وانني سأكون هنا مرايا لوجه
انت فيه ماض مودعا !

قهوتي

كم احلم ان اشرب قهوتي !
في الساحة الحمراء مع ابنتي
وان اقرأ جريدتي
وانظر الى اعين جميلتي
اريد ان اشرب قهوتي
في الساحة الحمراء مع ابنتي
واقبل يديها واصابعها بشفتي
ثم احكي لها عن نوعتي
حين تكون بعيدة عن مقلتي
واكتب لها بجميل كلماتي
كم احبها واشكر الرب انها ابنتي

أنثري ثيابك

انثري ثيابك
كما تنثر الزهرة اوراقها
واعرني جمالك
كما تظهر الزهرة النوى
يا اجمل الجميلات بكل ما فيك
ويا موطن العشق والهوى
اتركي خصرك يلتوي
وشعرك يسافر في السما
وان سرقت نصرة
فلا تخجلي
فهناك ريشتي،

وهناك قلبي وانا!
اجري متبخثرة على الرمال
واتركي الموج يعاتب الخلخال
والبطرس ان اقترب مال
وتاه عن سيره فصار مثال

أنشودة

انشودة من مات من اجل الوطن

راجع يا امي

والله راجع

رغم انك ودعتني

لكن انا راجع

مش ممكن تنادينني

وانا اكون مش سامع

بكاك يا امي

سامعو في كل الشوارع

راجع يا امي

والله انا راجع

انت بس ناديني

في كل المجمع
وهناك حتشوفي
وانا حاكون البارع
اول الموال ليك ومني
واخره فوق كل الصوامع
راجع يا امي
والله انا راجع
راجع يا امي،
وبعد صلاة الجنازة راجع
لا البنديقية تمحي اسمي
ولا حتى المدافع
راجع يا امي
والله انا راجع

عناق

عانقتها

قبلتها

وضميتها لصدري

وكانني اشعل بها جمري

ثم اخذت بيدها

وعيناي في عينيها

ولم اقل كلمة

فقط نضرة للسماء

لاءشكر الرب وقدري
سميتها بكل الاسماء الجميلة
حتى بملائكتي وقمري
ولم استطع توديعها
فقلت الى اللقاء يا عمري
يا اجمل الجميلات
يا بنتي ويا شمسي ومطري

شجرة بلا أوراق

شجرة بلا اوراق
لا تضنها ماتت واختارت الفراق
هي فقط نائمة وتشتاق
الى ربيع يحييها بلا نفاق
حينها ستزهر في الرواق
وتجعل لونه زهري ويهجرها اللقلق
هي فقط نائمة وتنتظر
من يعطيها الأمل في الحياة
هي تحلم مثلنا ولا تنكسر
وعندما يلامسها الماء ، تبتسم لساعات
وتنادي العصافير والفراشات
هلمي الى اغصاني واسعدي النضرات

يا قلبي !

يا قلبي،
يا خائنا بين اضلعي
كيف تجرؤ أن تخون؟
جعلتك رفيقا بين قضباتي
فعشقت من وراء القضبان
يا خاءنا بين اظلعي
كم من ليال اشكي بأدمعي
كم من وردة اغرتني،
وانت اخترت ذات الشوك
لتمزق شرياني.
جعلتك اسمى قصيدة
بين العشاق،

وحياتي ملحمة للرفاق
يتغنونها قبل الفراق
قبل طلوع الشمس
فوق الجبال والوديان
ليودعوا حبيباتهم من اجل ارض
يهدوها القلب والدم والاشواق
من اجل وطن
لا تدنسه ارجل الخيانة كالعراق

إحترم سنك!

احترم سنك!

هذا كان ردها على سؤالي

ما هو اسمك؟

فابتسمت ثم صرت اضحك

قلت سني اعوام لم اعشها

وايام خطفها الشيب قبلك

اما وان سألت عن اسمك،

فليس انني عاشق اتزوجك

بل لأحدثك عن عشق عاشه

الشعراء قبلي وقبلك

لست مجبرة ان تحلمي حلما ما له

من غد وانما ان تعيشيه اليوم فحسبك

لا تنضري الى شيببي وكأنه نجوم ليل
بل عديهم كما تعدين الالماس على عنقك
واتركي العتاب للحساد فهو قليل
ما يرويك من نهر الهوى
وانا من شفتيك اشرب
قليلون من يفهمونني الا من جرب
العشق مع اجمل الملائكة مثلك
فما اعدبك !
اذا فما اسمك

الشاعر د. أحمد القندوسي في سطور



ولد الدكتور أحمد القندوسي يوم 1960/4/20 في بلدة ريفية شمال المغرب غير بعيد عن مدينة الناظور وهي منطقة يتكلم أهلها الأمازيغية والإسبانية لأنها كانت مستعمرة الإسبان الى غاية 1958 ميلادية .

تعلم الكتابة والقراءة في السجد عن يد شيوخ كان يتردد عليهم من سن الخامسة من عمره وكان يحفظ القرآن دون أن يعرف معناه اللغوي

ثم التحق بالمدرسة القريبة والبعيدة فى نفس الوجد وهى الوحيدة فى المنطقة بناها المستعمر الإسبانى وكانت تبعد عن بيت أهله حوالى عشرة كيلومترات ، فكان يقطع المسافة أربع مرات فى اليوم إلا فى أيام الشتاء كان يمكث هناك للغذاء حتى لا يبطل ثيابه وكتبه .

وفى السنة الاخيرة من التعليم الإبتدائى ذهب عند عمه وهو الأب التانى رحمة الله الذى كان يسكن فى الدار البيضاء ليكمل دراسته الإبتدائية والثانوية ، ثم بعد ذلك التحق بالإتحاد السوفياتى من أجل متابعة دراسة الطب .

وهناك بدأ يدرس اللغة الروسية والأدب الروسى الذى أثر فيه كثيرا لغناء هذه الحضارة وهذه اللغة التى سحرته إلى درجة التقديس وما زال !

ثم عاد إلى وطنه من ممارسة مهنته النبيلة فى مجتمع تغير كثيرا لدرجة أنه كان يعيش احباطا وراء إحباط لاختلاف المجتمعين وبعدهما غاص فى أعماق الحضارة الروسية وتبناها كمثال له .

لهذا لم يقطع التواصل ولا القراءة ولو من بعيد وكان كلما سافر إلى موسكو يفتنى كتباً ودواوينا لشعراء معروفين مثل بوشكين و ليرمنتوف وكتب دايوتايفسكى وتشيوخوف وتولستوى ، وورو ومن هنا ولدت عنده فكرة الكتابة بثلاث لغات الروسية والعربية والأمازيغية حتى يقرب الناس من منبع شرب منه حتى ارتوى فأراد أن يروى الناس بقليل مما شرب .



أشعار مشتركة للشاعرين

د. أحمد القندوسى

محمود بكر



أوبريت

بين مصر والمغرب قلوب لا تغرب

كلمات مشتركة

للشاعر أحمد القندوسي

والشاعر محمود بكر

بين مصر والمغرب آمال
إيد واحده راح نمحي المحال
هاتعود يامجد بحبنا
وولادنا هاتهد الجبال
هانعيش سوا من غير حدود
وجواز سفرنا لغة الجدود
هايكون سلام ولا فيش سدود
وحلمنا يعيش للخلود
~~~~~

من الليله ياأحباب نعود  
والصحرا نزرعها بورود  
مأفيش لاشوك ولا جنود  
نصنع حياه ونعمل وجود  
~~~~~

ياكل أطفال الحروب
بعد الشروق جاى الغروب
والفرحه راح تملأ الدروب
مافيش لاخوف ولا هروب

~~~~~

صوت الكنايس والمعابد  
وأذان يقول الرب واحد  
بالوحده هايعم السلام  
وهانمحي أي قلب جاحد

~~~~~

وطنا واحد كلنا
واظن ده من حقنا
نحلم في يوم من نفسنا
والحلم يتحقق لنا

~~~~~

أرض العروبه تهمننا  
والاقصي راح يرجعلنا  
أهل اليمن دول أهلنا  
وحدتنا تبدأ من هنا

~~~~~

العراق وسوريا روح
واليمن تمحي الجروح
من المغرب الحره الأبيه
علي ليبيا أو تونس نروح

~~~~~

الجزاير أهلنا والكويت دي قلبنا  
الأردن الغاليه في سلام  
والإمارات دي مننا  
يارب جمع شملنا

~~~~~

السعوديه ولبنان
وحب ليبيا للسودان
بالنصر مصر تضمنا
وتقولنا أهلا بيكم في أرضنا
أهلا بكم في أرضنا

أغيب عنك

أغيب عنك وأقسي عليك
وفكري وانشغالي عليك
يخليني أنا وعيني
ننام الليل ونحلم بيك
وأسال عنك العشاق
الأقي في قلبي عنوانك
وسهل لفكري ينساني
عشان يسرح يفكر فيك
أغيب عنك وأقسي عليك
أنا أكون من غيرك مين
وأنا دايب في شوق وحنين

وياك قلبي بـيرتاح
وبيملا الكون أفراح
وبدونك يبقي حزين
أنا أكون من غيرك مين!؟

أروح لعيونك الحلوين

أروح لعيونك الحلوين

ياخذني الشوق

يجيبني حنين

ولما تغيب وتوحشني

أغني بلهفة العاشقين

واروح لعيونك الحلوين

واسرح فيك وانا شايفك

واخبي شفائفي بشفايفك

حبيبي ومن زمان عارفك

وثانيه معاك تساوي سنين

واروح لعيونك الحلوين

بيفرح قلبي دايمًا بـ
ويسرح بالجمال
في عينيك
حبيبي ضم شوقي إليك
تعود من تاني أحلى سنين
واروح لعيونك الحلوين

نجوم الليل

نجوم الليل تسأل عليك
وقمري كل ثانيه يناديك
كفايه بعد غيابك زاد
تعالى وشوف تعب قلبي
أنا طول الليل أفكر فيك
وبتغذب عشان الأايك
حبيبي قولي إيه يرضيك
عشان تفضل هنا جنبي

رتب حياتك

رتب حياتك كلها
أحضنها جامد حبها
وايه هتاخذ منها؟!
غير إلهي مكتوب ع الجبين
وفي لحظه تخرج منها
رتب حياتك كلها
عمال بتجري يمين شمال
مشغول مابين مال والعيال
وإن مره بختك فيها مال
تتمني تفرد وشها
نسيت ركوعك والسجود
تايه ورافض ليه تعود
ربك قريب وقت الدعاء

وفي إيدِه نور كل الوجود

بس إنت سيبك منها

رتب حياتك كلها

مايهمنيش إنت مين؟!!

ما يهمنيش إنت مين؟!!

يهمني فيكي الحنين

أنا شفت فيكي

أحلى عمر

اللحظه فيه

تساوي السنين

أنا عشت وياكي الخيال

لاصعب كان ولا محال

كان حب يشبه للجنين

ساكن رحم أجمل عينين

ما يهمنيش إنت مين؟!!

ده انت هديتيلي الأمل

إحساس جميل

بيكي اكتمل
بتروحي مني
وتغيبني عني
وقلبي دايمًا منتظر
الكلمتين
حُضن الإيدين
نار الشفايف ع الشفايف
تمحي الأنين
وتفرح القلب الحزين
مايهمنيش إنتي مين؟!



محمود بكر

إحنا العرب

أشعار بالعامية المصرية

إحنا العرب

إحنا العرب

هما عارفين إحنا مين

يعني إيه كلمة عرب

هما عارفين نبقي مين

مين اللي دمرنا وهرب

هما مش عايزنا وحده

ولا نبقي يد واحده

هما عايزين يكسرونا

ناس بجد قلوبها جاحده

بس لا بنقولهم

مستحيل هاتفرقونا

سمعوهم كلهم

إحنا مين ماتعرفونا

احنا العرب

احنا العرب

احنا العرب

متجمعين

أراضينا واحده

وقلب واحد

جينا الحياه

بأصول ودين

والرب واحد

لسه السماحه والطيايه

جوه منا

بالظلم تاني

عمرنا أبدا مائرضي

أجداد جدونا
كانو قوه وجوه منا
صنعوا الحضاره بمجدهم
عايشين مابينا
واحنا هاترجع تاني قوه
باجتهادنا والعمل
مش هانعمل أهرامات
لكن هانعمل ألف سد
مش هانقول لحد هات
والصحاري هاتبقي ورد
إيدي تبقي في إيد اخويا
من النهارده العربي جد
إحنا العرب إحنا العرب
المغرب تونس والجزائر
أهل المحبه والبشائر

الأردن ويا سوريا إخوه
وفي حبهم الكل حاير
ليبيا والعراق حبايب
وهايفضلوا رمز البشائر
السودان ومصر وحده
نيل ماينهم حب ساير
لو في بحر في يوم غرقنا
ولا ناس حبت فراقنا
جوه مصر امنا
نتجمع فيها كلنا
بالحضن دي بتضمنا
بالحضن دي بتضمنا
احنا العرب
احنا العرب
احنا العرب

مصري بحب المصريين

مصري بحب المصريين

وطني في روعي

وجوا العين

واللي يبص بعينه لبلدي

هايعيش طول العمر حزين

مصري بحب المصريين

عاشقينك بنحب ترايك

والأغراب واقفين علي بابك

يتمنوا زيارة أهرامك

في جمالك ديما دايبين

مصري بحب المصريين



عشتي يامصر
وعاشوا جنودك
دول أبطال
حارسين لحدودك
رافعين راية مصر الغاليه
يحميكو ربي من الخائنين
مصري بحب المصريين
مش هانخاف ولا مره نهاب
من أعداء ولا من إرهاب
مهما ان طال الليل أو غاب
بكره بنصر أكيد راجعين
مصري بحب المصريين

لما أعز الناس يفوتوك

عارف

لما أعز الناس يفوتوك

وأما تأمن ناس

يخونوك

وأما اللي إنت

تضحى عشانهم

وقلبك ميت قوي

في عشمهم

يجرحوا فيك

ويبكوا عينيك

وكمان يبيعوك

عارف؟

لما تحس بان نصيبك
قرر يمشي بعيد ويسيبك
وأما بتعرف إن حبيبك
واحد من ضمن اللي باعوك
حتي الصاحب
بقي مصلحته
عز الشده مابتلقاه
ده اللي إديته كتير وسامحته
سابك وحدك عز الآه
لما تبص وتلقى حياتك
مافيهاش أمك ولا أبوك
وانت لوحدك في زمن قاسي
فيه ماتآمن حتي لأخوك
يبقي سلام علي قلبك ياابني
بكره بطيبتك دي يدوسوك

تحت شجر التوت

ياضحكه تحت شجر التوت
بتنعي حزنها المكبوت
يافرحة قلب ممنوعه
و يوم ماابتولد بتموت
ياضحكه تحت شجر التوت
يامر الصبر ليه مرك
مايعرف إلا حلقى وبس
عذاب وجراح بتتكرر
ومين بالآمي يوم هايحس
ويوم ماالفرحه بتجيني
بتسبقتي دموع عيني
ويجري العمر مني يفوت
يا ضحكه تحت شجر التوت

مرجع

ياللي حبك زاد في قلبي
نفسى اشوفك بكره جنبي
والقا ايديك حاضنه ايدي
بكل قوه تضي حبي

كوبليه

بيت صغير يبقي لينا
والهوا والشوق مالينا
تبقي كل الدنيا جنه
جنه للحب اللي فينا

مرجع

ياللي حبك زاد في قلبي
نفسى اشوفك بكره جنبي
والقا ايديك حاضنه ايدي
بكل قوه تضمي حبي

كوبليه

ننسى بالحب الالام
قوم نعيش اجمل غرام
عالحنين والشوق ننام
تصبح الدنيا في سلام

مرجع

ياللي حبك زاد في قلبي
نفسى اشوفك بكره جنبي
والقا ايديك حاضنه ايدي
بكل قوه تضمي حبي

كوبليه

والحواري والدروب
كله في الاحلام يدوب
يبقي كل الكون يادوب
عش تسكن في القلوب

مرجع

ياللي حبك زاد في قلبي
نفسى اشوفك بكرة جنبى
والقا ايدك حاضنه ايدي
بكل قوه تضمي حبي

أنا العاشق

انا العاشق انا المجنون
انا اللي بدوب في احلا عيون
انا اللي بيكي وعشائك اهد الكون
انا العاشق انا المجنون

مقطع

انا اللي بيكي ياما حلمت
اشوفك حاضنه ايدي في يوم
وويا خيالي ليكي رسمت
قمر عالي وجنبه نجوم
وورد جميل وضلايه
وكنتي في الهوا معايا

ولونا السما بميت لون
انا العاشق انا المجنون

مرجع

انا العاشق انا المجنون
انا اللي بدوب في احلا عيون
انا اللي بيكي وعشائك اهد الكون
انا العاشق انا المجنون

مقطع

وغنا الطير علي غرامنا
وجاب الفرحة قدامنا
وبالأحساس ملكنا الكون
وانا بيكي بقيت مجنون

انا العاشق وانا المجنون

مرجع

انا العاشق انا المجنون

انا اللي بدوب في احلا عيون

انا اللي بيكي وعشانك اهد الكون

انا العاشق انا المجنون

مقطع

انا اللي بدوب غرام فيكي

وعمري كله بعطيك

انا السهران مع ليلى

وبحكيله علي عينيك

انا ليكي وانا بيكي

انا بالحب ده مفتون
انا العاشق وانا المجنون

مرجع

انا العاشق انا المجنون
انا اللي بدوب في احلا عيون
انا اللي بيكي وعشائك اهد الكون
انا العاشق انا المجنون



وقت الغروب

بخاف وقت الغروب
واتوه وسط الدروب
والقلب تملي رافض
يعيش زي القلوب
بخاف وقت الغروب

إحساسي عليا قاسي
وشايل هم غيري
وتملي لنفسي ناسي
أنا إيه هايكون مصيري
إديتهم كل خيري

وانا في جراحهم بدوب
بخاف وقت الغروب

سعات بتجيب سعات
وتمر الذكريات
أيامي زمان وعمري
والقطر قوام بيجري
مالحقتش اشوف ملامحي
والباقي خلاص يادوب
مابين فرحي وجرحي
طريق كله عيوب
بخاف وقت الغروب

الرحمه كانت منا

الرحمه كانت منا
علي كل واحد منا
دلوقت قدروا يفرقونا
بقي ده هنا وده هنا
وبقينا ناكل بعضنا
والرحمه فارقت قلبنا

الأخ فوق أخوه يدوس
ويبيعه علشان الفلوس
والأب هاجر من البلد
والأم مسكينه في كابوس

بقي ده هنا وده هنا
وبقينا ناكل بعضنا
والرحمه فارقت قلبنا

مابقاش خلاص

في حد خير

لما الغني داس ع الفقير
وأما القوى قتل الضعيف
والكل قال أنا الكبير
كان لابد نتوه وأكثر
وننسي حتي في يوم ن فكر
إن مهما نعلي فوق ربنا أعلي وأكبر

بقي ده هنا وده هنا
وبقينا ناكل بعضنا
والرحمه فارقت قلبنا

حبيبي يا أنا

حبيبي يا أنا

ياكل المنى

غيابك عني طال

واليوم بيفوت سنه

أنا خايفه ييجي بكره

ماقدرش المس إيديك

جوايا ألف فكره

بجد ها اموت عليك

ارحمني من الضنا

من غيرك قلبي مات

مع اجمل ذكريات

عشناها انت وانا

حبيبي ياأنا

أنا المجنون وأنا العاقل

انا المجنون وانا العاقل
وانا القلب اللي يستاهل
تعيشي عشانه لو عمرين
وبرضه هواه مايتاقل
انا القلب اللي يستاهل
انا الحب اللي صحاكي
وانا الحزن اللي دفاكي
انا اللي في العيون شلتك
ورمشي حبيبتي غطاكي
انا اللي عشاتك اتحملت
وانا اللي بظلمي ياما قبلت
وانا اللي كثير في عز الآمي



وفي تعبتي فديت تعبك
ومن جريي ياما اتكعبلت
ومهما ان كان حصل بينا
أديني فضلت
اشيل حبك واتمايل
وبيكي تملي بتخايل
واقول بيكي انا المجنون
واقول بيكي انا العاقل

أنا ملّيت عذابي معاك

أنا ملّيت عذابي معاك
وبتأسف عشان بهواك
عشانك جيت علي نفسي
واديني خسرت نفسي معاك
امنت ليك وقولت خلاص
لقيت الحب والاخلاص
وقلت ملاك وليه إحساس
وكله انداس وراح وياك
أنا ملّيت عذابي معاك
حلّمت انك هاتتغير
وقلت الحلم بيك يكبر
واحقق أملي فيك واكثر



وتحميني في حضن هواك
لقيتك حتي مستكتر
تشوفني سارحه وبفكر
وناوي من زمان تغدر
تبيعني لاني أنا شاريك
أنا مليت عذابي معاك
تخون العشره ليه طيب
عشان قلبي معاك طيب
ومين هايحس بعذابي
ومين لجراحي هايطيب
دنا من الصباح بدري
باقوم ودموعي دي بتجري
علي خدودي بتجرحها
وسلم قلبي ليك أمري
وراح عمري هدر وياك

ياريتني ماكنت حبيتك
وعميت عيني عن رؤياك
أنا مليت عذابي معاك

ومين م الحب مش مجروح

ومين م الحب مش مجروح
ومين وياه مافاتش الروح
ومين حقق معاه حلمه
ولسه فيه امل وطموح
ومين م الحب مش مجروح
نقاسي من العذاب والنار
ونمشي ييجي ميت مشوار
بيوعدنا ويبعدنا
ومن كتر الجراح نحتار
وبين المر والصابر
حلاوته تروح
ومين م الحب مش مجروح

نخاف نبكي علي حالنا
يلوموا الناس علي حالنا
ونسأل بس إيه جراننا
وليه الدمع يكسينا
ويسكن حزننا فينا
وليه رضينا يكون أصلا
كده حالنا
نكلم مين يفهمنا
ومين هايحس بآلامنا
ده لما الحب يظلمنا
نكلم مين؟!
ومين وياه الكلام مسموح
وأصلا هيا فين الروح
ومين م الهم ده خالي
ومين م الحب مش مجروح

زمان م الهم طوحنا

زمان م الهم طوحنا
ودوب فينا أفرحنا
نلوم في زما يلومونا
ونسكت .. غدره يجرحنا
وجرح في جرح
تتوه منا ملامحنا
تئن الدقه جوانا
ودمع العين يصححنا
لانعرف هوه مين مع مين
ولا احنا بقينا مين احنا
زمان م الهم طوحنا

زمان فرقنا ماجمعنا
ونصرخ عمره ماسمعنا
في ناس عز الشباب شابت
وناس رمت السهام صابت
وناس بوجعها ده اتصابت
وغاب الأصل والمعني
زمان فرقنا ماجمعنا
في ناس وسط الحياه ضالين
وناس ديما يقولو امين
وناس جوا القصور عايشين
وناس في الوحل غرقانه
بيوتهم مبنين م الطين
وناس بحريرها تتغطى
وناس تشحت فضل بطاطين

أنا ضهرك أنا سندك

انا ضهرك انا سندك
انا في الشده تلاقيني
اشيل ألمك اشيل تعبك
اشيل دمعك انا في عيني
انا اللي بقولك اتمني
واديك عمري تتهني
انا بحناني تتحنى
واخلي دنيتك جنه
في عز النارماتكويني
انا في الشده تلاقيني
انا أمك
وانا الحضن

اللي بيضمك
انا الحب اللي لو تعرف
تشوفني في العروق دمك
وكان همك تلاقيني
وكان مكتوب علي جيبني
أكون همسك واكون لمسك
وتبقي ماتبقي يكفيني
انا في الشده تلاقيني

الليالي

الليالي تمر بينا
والسنين بتفوت علينا
واحنا لسه زي ما احنا
لسه باقي الحب فينا
مهما غابوا وبعدوا عنا
عمرهم ما بعدوا عنا
أصلهم دول حتة منا
حتي لو نكذب عليهم
ونقول خلاص احنا نسينا
بس لو نلمح عينيهم
حبنا بيبان علينا
لسه باقي الحب فينا

مش حاسه بيك

مش حاسه بيك

مابقتش بافرح

لما تلمسني إيديك

مابقاش في شوق

بياخد قلبي ليك

مابقتش بازعل لما تعند

مابقتش تفرق لما تبعد

أصل أنا مابقتش أنا

اللي كنت هاموت عليك

ناديتك ياما ماسمعتيش

ناديتك ياما ماسمعتيش
حاولت معاكي مافهمتيش
وشبكت الهوى بالشوق
وخليتك نجمه عاليه ل فوق
اكيد فاكراه ومايتنسيش
محيت جرحك وكلمة آه
وعلمتك إيه معني حياه
لقت جرحك بيألمني
وقد كثير ماندمني

لكنه ده درس علمني
باني لنفسي بس أعيش
وإنك كنتي شيء تافه
ماتستاهلش
حاولت معاك مافهمتيش



كان بينا عشرة

كان بينا عشرة وحب كان
وحلم يشبه للجنان
كان شوقنا بيطينا فوق
مع بعض نتنفس حنان
كانت تاخذني في حضنها
وبأيدي اطير شعرها
كانت بعيد يمكن ده كان
لكن بتسكن في الكيان
مش شوق وحب
ولا عطف قلب
ده كان جنان

بيني وبينك كلمتين

بيني وبينك كلمتين

كلمتين كانوا زمان

من سنين

فاتت علينا قدام عينينا

ثانيتين .. ثانيتين

كل يوم حبك يزيد

كل ليله معاك في عيد

كل لحظه شوقي يكثر

عمر تاني معاك جديد

كل يوم حبك يزيد

غريبه الدنيا

غريبه الدنيا دي محطات
وواخدينها من الأول
هموم وأخذنا منها راءات
وناس ديما بتتحول
وعادي العمر بيعدي
زمان فيه البشر مادي
في ناس من عمرها بتدي
وناس في حسابها بتحول
غريبه الدنيا دي محطات
وواخدينها من الأول

نار غيابك

نار غيابك عنى شئى لا يحتمل

وان ضناني الشوق إليك إيه العمل!؟

وان جريت احضن هواك

ولقيت هواك اصبح سراب

ومفيش امل ايه العمل

لو صحيت ولقيتني بكره

عائشه بين احلام وذكرى

ولا جيتني تقلى فاكره

حب باديك اتقتل ايه العمل

لو عانيت انا من جراحي

وعز نومك قلبي صاحي

ويا ليلي وف صباحي



ضايعه حاسه بالمثل ايه العمل
لو ماكنش يهمني
ياللي ياما ظلمتني
كنت بعد ماسبتني
اديت لغيرك ميت امل
بس لسه هواك اسرني
حتي وانت كمان هاجرني
ياللي فاكرك قلبي ديما لو فاكركني
قولي راجع
قولي بعدك عني كان لا يحتمل
نار غيابك عني شئ لا يحتمل

الشاعر محمود بكر فى سطور



شاعر غنائي

من مواليد 8/18/1980

من مدينة حلوان

درست بالازهر الشريف

وهويت الكتابه منذ الصغر عندما كنت اسمع كوكب الشرق

والعندليب الاسمر وعبد الوهاب كنت اكتب كلمات اغانيهم

ومن هنا بدأت اهوي الشعر في عمر 23 عاما وتعمقت

وازددت اصرار علي كتابة الشعر وبدأت اذهب لحضور

الندوات وكانت اولي الندوات بصالون حلم للابداع الفني



للشاعر طارق زياده والشاعر الاسواني عوض سليمان
واعتدت حضور الندوات
منهم صالون الشاعره مرفت جابر
وصالون الشاعر ناجي عبد المنعم بمتحف احمد شوقي
وصالون ماما نونا سميره الإسريجي
وحصلت علي من شهادات التقدير من معظم هذه الصالونات
وقمت بعمل عدة أغاني لمطربين ومطربات
منهم المطرب تيام طارق
اغنية نجوم الليل بالإشتراك في الكلمات مع الشاعر المغربي
أحمد القندوسي
وأیضا أوبريت (بين مصر والمغرب آمال) بالإشتراك مع
هذا الشاعر القدير
والمطربه شيماء المغربي أغنية (نار غيابك) من كلماتي
الأردني صلاح سمره
اغنيتين من كلماتي
اغنية واحده واحده واغنية (صبرت كثير يادنيا)
والمطرب الشعبي
احمد سعد اغنية (صبيانا كبروا علينا) من كلماتي
والمطرب الشعبي
محمد فاروق
واغنية (همس صوتك) من كلماتي
وهذا هو المولود الجديد ديوان مشترك بيني وبين اخي
العزیز دكتور احمد القندوسي

محتوى الكتابين

بطاقة الكتاب 2

كم أحبها ديوان الشاعر د. أحمد القندوسى

كم أحلم أن أشرب قهوتى 3

شايلى همك يابنى 5

انتحرى يارياح 7

من أجلك طويت كل الصفحات 8

حلم 9

رحتوفين 11

يا القمره 13

الورقة الصفراء 15

صورتك 17

أنا آسف 19

قهوتى 21

انتحرى ثيابك 22



- 24 أنشودة
- 26 عناق
- 28 شجرة بلا أوراق
- 29 يا قلبى
- 31 احترم سنك
- 48 الشاعر د. أحمد القندوسى فى سطور

أشعار مشتركة بين الشعارين محمود بكر ود. أحمد القندوسى

- 37 أوبريت فى مصر والمغرب قلوب لا تغرب
- 42 أغيب عنك
- 44 أروح لعيونك الحلوين
- 46 نجوم الليل
- 47 رتب حياتك
- 49 مايهمنيش إنتى مين

إحنا العرب ديوان بالعامية للشاعر محمود بكر

- 53 إحنا العرب
- 59 مصرى بحب المصريين
- 61 لما أعز الناس يفوتوك
- 63 تحت شجر التوت
- 68 أنا العاشق
- 72 وقت الغروب
- 74 الرحمة كانت مننا
- 76 حبيبي يا أنا
- 77 أنا المجنون وأنا العاقل
- 79 أنا مليت عذابي معاك
- 82 ومين م الحب مش مجروح
- 84 زمان م الهم طوحنا
- 86 أنا ضهرك أنا سندك
- 88 الليالي

- 89 مش حاسه بيك
- 90 ناديتك ياما ماسمعتيش
- 92 كان بيننا عشره
- 93 بينى وبينك كلمتين
- 94 غريبة الدنيا
- 95 نار غيابك
- 97 الشاعر محمود بكر فى سطور
- 99 محتوى الكتابين